

VENDIM
Nr. 1152, datë 24.12.2020

PËR DISA SHITESA NË VENDIMIN NR. 187, DATË 8.3.2017, TË KËSHILLIT TË
MINISTRAVE, “PËR MIRATIMIN E STRUKTURËS DHE TË NIVELEVE TË
PAGAVE TË NËPUNËSVE CIVILË/NËPUNËSVE, ZËVENDËSMINISTRIT DHE
NËPUNËSVE TË KABINETEVE NË DISA INSTITUCIONE TË
ADMINISTRATËS PUBLIKE”, TË NDRYSHUAR

Në mbështetje të nenit 100 të Kushtetutës; të pikës 2, të nenit 4, të ligjit nr. 10405, datë 24.3.2011, “Për kompetencat për caktimin e pagave dhe të shpërblimeve”; të pikës 2, të nenit 7, të ligjit nr. 152/2013, “Për nëpunësin civil”, të ndryshuar; të ligjit nr. 9584, datë 17.7.2006, “Për pagat, strukturat dhe shpërblimet e institucioneve të pavarura kushtetuese dhe institucioneve të tjera të pavarura të krijuara me ligj”, të ndryshuar; dhe të ligjit nr. 88/2019, “Për buxhetin e vitit 2020”, të ndryshuar, me propozimin e Kryeministrit, Këshilli i Ministrave

VENDOSI:

1. Në vendimin nr. 187, datë 8.3.2017, të Këshillit të Ministrave, të ndryshuar, bëhen shtesat, me këtë përmbajtje:

a) në pikën 1/3/b shtohet emërtesa “Agjencia e Hartimit të Programeve të Veçanta të Shtetësisë”;

b) në pikën 4/19, pas emërtesës “Përgjegjës sektori” shtohet emërtesa “Menaxher cilësie”;

c) pas pikës 9/16 shtohet pika 9/17, me këtë përmbajtje:

“9/17 Kategoritë e pagave dhe shtesat për kushte pune të pozicioneve të punës së nëpunësve për emërtesat “specialist” deri në “Titullar i institucionit”, në Inspektoratin Shtetëror Shëndetësor, janë sipas lidhjes nr. 6/17, që i bashkëlidhet këtij vendimi dhe është pjesë përbërëse e tij.”;

ç) në rreshtin e tretë të lidhjes nr. 7, që përmendet në pikën 10, pas emërtesës “Drejtor drejtorie”, shtohet emërtesa “Menaxher cilësie në Drejtorinë e Përgjithshme të Akreditimit”;

d) pas pikës 10/5 shtohet pika 10/6, me këtë përmbajtje:

“10/6. Kategoritë e pagave të pozicioneve të punës së nëpunësve për emërtesat “Specialist” dhe “Drejtor i Përgjithshëm”, në Agjencinë e Hartimit të Programeve të Veçanta të Shtetësisë, janë sipas lidhjes nr. 7/6, që i bashkëlidhet këtij vendimi dhe është pjesë përbërëse e tij.”;

dh) pas pikës 12/6 shtohet pika 12/7, me këtë përmbajtje:

“12/7 Kategoritë e pagave të pozicioneve të punës së nëpunësve për emërtesat “Specialist” deri në “Titullar i degës”, në degët rajonale të Inspektoratit Shtetëror Shëndetësor, janë sipas lidhjes nr. 9/7, që i bashkëlidhet këtij vendimi dhe është pjesë përbërëse e tij.”.

2. Efektet financiare, që rrjedhin nga zbatimi i këtij vendimi, të përballohen nga fondet e secilit institucion dhe të fillojnë:

a) nga data 1 janar 2021, për Inspektoratin Shtetëror Shëndetësor dhe degët rajonale të Inspektoratit Shtetëror Shëndetësor;

b) nga momenti i emërimit të nëpunësve në detyrë për parashikimet e tjera të këtij vendimi.

Ky vendim hyn në fuqi pas botimit në Fletoren Zyrtare.

ZËVENDËSKRYEMINISTËR
Erion Braçe

Kategoritë e pagave dhe shtesat për kushte pune të pozicioneve të punës së nëpunësve, për emërtesat “specialist” deri në “Titullar i institucionit”, në Inspektoratin Shtetëror Shëndetësor

POZICIONI	KATEGORIA	KRITERI MINIMAL I DIPLOMËS SË SHKOLLËS SË LARTË PËR EFEKT TË PRANIMIT NË POZICIONIN PÛRKATËS TË PUNËS PAGA E GRUPIT	SHTESA PËR KUSHTE PUNE
Titullar i institucionit	II-a	1	18.500
Përgjegjës sektori në sektorët e përmbajtjes	III-a/1	1	18.500
Përgjegjës sektori në sektorët mbështetës	III-a/1	1	0
	III-b	1	0
Inspektor	III-b	1 ose 2	18.500
Specialist në sektorët dhe drejtoritë e përmbajtjes	IV-a	1 ose 2 ose 3	18.500
Specialist në sektorët mbështetës	IV-a	1 ose 2 ose 3	0
	IV-b	1 ose 2 ose 3	0

Lidhja nr. 7/6

Kategoritë e pagave të pozicioneve të punës së nëpunësve, për emërtesat “Specialist” dhe “Drejtor i Përgjithshëm”, në Agjencinë e Hartimit të Programeve të Veçanta të Shtetësisë

POZICIONI	KATEGORIA	KRITERI MINIMAL I DIPLOMËS SË SHKOLLËS SË LARTË PËR EFEKT TË PRANIMIT NË POZICIONIN PÛRKATËS TË PUNËS PAGA E GRUPIT
Drejtor i Përgjithshëm	II-b	1
Specialist	III-b	1 ose 2

Lidhja nr. 9/7

Kategoritë e pagave të pozicioneve të punës së nëpunësve, për emërtesat “Specialist” deri në “Titullar i degës”, në degët rajonale të Inspektoratit Shtetëror Shëndetësor

POZICIONI	KATEGORIA	KRITERI MINIMAL I DIPLOMËS SË SHKOLLËS SË LARTË PËR EFEKT TË PRANIMIT NË POZICIONIN PÛRKATËS TË PUNËS PAGA E GRUPIT	SHTESA PËR KUSHTE PUNE
Titullar i institucionit rajonal	III-b	1	18.500
Përgjegjës sektori në sektorët e përmbajtjes	IV-a	1	18.500
Përgjegjës sektori në sektorët mbështetës	IV-a	1	0
Inspektor	IV-b	1 ose 2 ose 3	18.500
Specialist në sektorët mbështetës	IV-b	1 ose 2 ose 3	0